



ROYAL GREENLAND A/S

CVR-nr. 13645183

Ingerlatseqatigiiffiup qullersaqarfiani Nuummiittumi
2022-mi maajip 16-iani nal. 15.00
ataatsimeersuarnermit imaqarniliaq

Peqataasut:

Piginneqataasut sinnerlugit: Ineqarnermut Attaveqaasersuutinullu Naalakkersuisoq Erik Jensen.

Siulersuisuni ilaasortat: Niels Harald de Coninck-Smith, siulersuisuni siulittaasoq, (qarasaasiatigut attaveqaatikkut peqataasoq). Maliina Abelsen aamma Malik Hegelund Olsen.

Pisortaqtigiiit: Pisortaaneq Mikael Thinghuus, Aningaasaqarnermut pisortaq Nils Duus Kinnerup aamma tunisassiornermut pisortaq Lars Nielsen.

Kukkunersiusut: Kukkunersuisoq naalagaaffimmit akuerisaasoq Claus Hammer-Pedersen, EY.

Aqutsisoq: Inatsisileritooq Peter Schriver, Nuna Advokater.

Allat: Sulisut il.il.

Niels Harald de Coninck-Smith, siulersuisuni siulittaasoq, siulersuisut sinnerlugit ataatsimeersuarnermut tikilluaqqusivoq.

Tamatuma kingorna inatsisileritooq Peter Schriver, siulersuisut malittarisassat naapertorlugit aqutsisussatut toqqagaat, oqaaseqartussatut taavaa.

Aqutsisoq toqqarneqarnerminut qujariarluni Ineqarnermut Attaveqaasersuutinullu Naalakkersuisup Erik Jensenip peqataaneratigut piginneqataasut tamarmik peqataasoqartut oqaatigaa.

Taamatuttaaq ataatsimeersuarnissaq ullumikkut ingerlanneqartussanngorlugu 2022-mi apriliip 27-ani allakkatigut aggersaasoqarsimasoq oqaatigaa, tamannalu malittarisassani § 4 ingerlatseqatigiiffiillu pillugit inatsimmi § 94, imm. 1 naapertorlugit

ingerlanneqarpoq. Aggersaaneq ingerlatseqatigiiffi illu pillugit inatsimmi § 97, imm. 3 naapertorlugu Erhvervsstyrelsenimut nalunaarutigineqarlunilu ingerlatseqatigiiffi up malittarisassaani § 4, imm. 6 naapertorlugu sulisunut aamma nalunaarutigineqarsimavoq.

Ataatsimeersuarneq kalaallisut danskisullu oqalutseqarnikkut ingerlanneqassasoq aammattaaq ilisimatissutigaa. Ataatsimeersuarnermit videoliaq kalaallisut nutserneqarsimasoq Royal Greenlandip nittartagaanut ikkunneqarumaarpoq. Ataatsimeersuarnermit imaqarniliaq taamatuttaaq nittartakkamut ikkunneqarumaarpoq.

Ataatsimeersuarnerup inatsisit malillugit aalajangiiffiusinnaasumik ingerlanneqarneranut isumaqataanngitsoqarnersoq aperaaq. Taamaattoqanngimmat ataatsimeersuarneq inatsisit malillugit ingerlanneqartoq aggersaassummilu oqaluuserisassat ataaniittut oqaluuserineqarnissaannut aalajangiiffiusinnaasoq nalunaarutigaa:

- a) Ingerlatseqatigiiffimmi aallussat pillugit nalunaarut.
- b) Ukiemoortumik nalunaarusiamik 2021-mut tunngasumik akuerisassanngorlugu saqqummiineq.
- c) Ukiemoortumik nalunaarusiaq akuerineqartoq naapertorlugu sinneqartoorutinik atuinissamut imaluunniit annaasaqaatinik matussusiinissamut aalajangiineq.
- d) Aningaasarsitsisarnermut politikkimik akuersineq.
- e) Siulersuisuni ilaasortassanik – tamatumani siulersuisut siulittaasussaannik aamma – qinersineq.
- f) Siulersuisuni siulittaasup ilaasortallu akissarsiassaannik aalajangersaaneq.
- g) Kukkunersiuisunik qinersineq.

Tamatuma kingorna Ineqarnermut Attaveqaasersuutinullu Naalakkersuisoq Erik Jensen oqaaseqartussanngorpoq, imalu oqalugiaateqarpoq:

Asasakka Royal Greenland-imeersut aammalu malinnaasusi tamassi,

Aallarniutigalugu Naalakkersuisut sinnerlugit sulisut, pisortat siulersuisullu ukiumi qaangiuttumi sulilluarsimanerannut qutsavigiumavagut. Malugineqarsinnaavoq ukioq 2021 tamatta ineriartortitsineq siumullu ingerlanissaq ukkatareqqissinnaalerippuit, naak COVID-19-p atuunnera suli malunnaraluartoq.

Nuannaarutigaara paasillugu ingerlatseqatigiiffigut ullumikkut nukittunerullutik inissismasut aammalu ingerlatseqatigiiffigut arlallit naatsorsuutigisamiit pitsaanerusumik angusaqartut. Tamanna nuannerpoq, tassami nunarput aammalu inuiaqatigiit kalaallit ineriartormata, aammalu ingerlatseqatigiiffiit tapersiinissaat pisariaqartikkatsigu.

Naalakkersuisuni illi oqaatigiumavarput maanna ingerlatseqatigiiffiit ilaatigut siulersorneqarnerat aammalu sinneqartoorujussuartarnerat pillugu periusissiamik suliaqaratta, piffissami tulliuttumi taassumap qanoq imaqarnera tamakkiisumik saqqummiinneqarumaartumik.

Naalakkersuisut sinnerlugit Royal Greenland-imi ukiuni kingullerni aammalu maanna ukiumi naatsorsuiffiusumi pitsaasumik angusaqartalersimaneq pitsaasutut isumaqarfingigatsigu. Tamanna pillugu Royal Greenland-imi sulisut siulersuisullu sulilluarsimanerannut nersualaarinninnerput apuukkumavarput. Taamaasiornelru maanna piginnittuniit aammalu inuiaqatigiit kalaalliniit aalisartuniillu piumasaqaatinut nutaanut ikaarsaariarnissamut alloriarfissangortoq Naalakkersuisut isumaqarput.

Ingerlatseqatigiiffimmik piginnittut sinnerlugit, taanna inuiaat kalaallit sinnerlugit maanna Naalakkersuisuniit kissaatigut apuukkusutagut ukuupput:
Ingerlatseqatigiiffiup aqunneqarnera tamakkiisumik nunatsinniilernissaa maanna suliarineqassaaq. Siullertullu pisortaanerup nutaap atorfinitsinnejarnissaanut atatillugu tamatuma qullersaqarfimmi nunatsinniittumi inisisimanissaa akileraartarnissaatalu qulakkeerneqarnissaa piginnittuniit kissaatigineqarmat, aappaattullu suliarineqassasooq pisortaanerit sinnerisa sulisulli amerlanerpaat nunatsinniinnissaanut tunngatillugu kvartal-ip pingajuata naanningerani ingerlatseqatigiiffiup piginnittunut pilersaarummik tunniussinissaat, siunertaalluni ingerlatseqatigiiffiup pisortaanerit tamarmik aammalu aqunneqarnera siulersorneqarneranilu kingusinnerpaamik naliginnaasumik ataatsimiinnerup tulliata tikinnerani timitaliiffigineqarsimanissaa anguneqareersimassasoq.

Naalakkersuisut katitigaanerat maanna allanngorsimalerpoq aammalu aktiaatileqatigiiffinnik Namminersorlutik Oqartussanit pigineqartunik piginnittuuneq ilanngullugu ukkatarineqarneqarluni. Taamaattumik maanna Naalakkersuisut ilisimatitsissutigissavaat ingerlatseqatigiiffiit amerlassusaat nalilersormassuk, allatut oqaatigalugu ingerlatseqatigiiffiit ilaat katiternissaannut misissuinernik aallartitsissallutik. Ilissi ingerlatseqatigiiffittut ingerlanneqarluarluni patajaatsuuussasusi ersarissumik piumasaqataavoq, tamatumalu allanngortinniarneqannginnera siunertaasoq matumuuna naqissusissavara, taamaattumik sulinissinni isumatusaassaasi.
Aktiaatileqatigiiffittut Namminersorlutik Oqartussanit pigineqartutut Kalaallit Nunaata tunisassiorneranut ilaavusi pingaaruteqarluartoq, tamannalu akisussaaffimmik annertoorujussuarmik nassataqarpoq. Ingerlatseqatigiiffiutta suleqateqarnissaq pikkoriffigissavaat, taamaalilluta piginnittutsinnut – inuiannut kalaallinut aalisartunullu – sullissilluarnissaq ataatsimoorluta pitsaanerpaamik ingerlatissagatsigu.

Tassunga atatillugu aqtsilluarnissap pingaaruteqarnera taarusuppara.
Ingerlatseqatigiiffinni aqutsisutut sulisusi paarilluassavasi. Sulisugut toqqissismallutik misigisimassapput aammalu aqutsisuminukarnissaq annilaangagissanngilaat.
Sinaakkutissat pitsaasuunissaat malitassanullu naammassinnituunissaat ukkatarissavarput, tassalu peqqinnartumik sulinermi avatangiiseqassaagut. Sulisut toqqissismanissaannut tunngatillugu, ingerlatseqatigiiffitta politikkiminnik ingerlaavartumik malinnaanissaat piginnittut kissaatigaat, taamaalilluni sulisut toqqissismanissaat qulakkeerneqassalluni.
Soorlu oqaatigereeriga Naalakkersuisut maannakkorpiaq piginnittut politikkiat nutaaq suliaralugu aallarnisaleruttorpaat aammalu aktiaatileqatigiiffitsinni Namminersorlutik Oqartussanit pigineqartuni piginnittuunerup isumagineqarneranut tamatuma sakkussatut pingaaruteqartutut ilaalernissaa qilanaaaralugu.
Ingerlatseqatigiiffiit Namminersorlutik Oqartussanit pigineqartut ukioq manna suliniutinik annertunerusunik suliassaqarput. Ingerlatseqatigiiffiit nalunaarusiortarnerat nakutiginninnerallu pitsaunerulersinniarlugu, ingerlatseqatigiiffiit anginerusut pisussanut pilersaarummi nutaami ilaalertussaapput, tassani "fraud management system" nutaaq pilersittussaallugu ingerlattussaallugulu. Suliniummut tessunga aqutsisugut tapersersuinissaat aammalu periaatsip tamatuma ingerlatseqatigiiffiit aningaasaqarnermik aqutsineranni nalunaarusiortarneranilu ilaalluinnalernissaanik qulakkeerinissaat, Naalakkersuisut naatsorsuutigilliunnarpaat. Ingerlatseqatigiiffiit ammasumik paasuminartumillu pikkorissuseqarlutik sulinissaat Naalakkersuisut pingartippaat.

Inuiaqatigiinni ineriartornermi pisariaqartumi piumasaqaatit annertusiartuinnartillugit aammalu nunarsuarmioqataaneq qanilliartuinnartillugu, pisortat uagullu ingerlatseqatigiiffitsinnut piumasaqaatit amerliartuinnarpaat. Tamatumani ilaasut aalajangiisuuulluinnartut tassaapput inuit isumalluutit. Tessunga atatillugu ingerlatseqatigiiffitta qanoq inuusuttunik kalaallinik pikkorissunik amerlanerusunik sulisussarsinissamik sulissutiginninnerisa ingerlaannarnerata pingaaruteqassusaa erserseqqissarumavara, tamannalu aallaavigalugu ingerlassalluta.

Ingerlatseqatigiiffitta najukkamiititsinissamik aallussissasoq, kiisalu sulisussarsiornermi nunatsinni najukkami pisarnissaata salliutinneqarnissaa, pingaaruteqarput. Sulisussat nunaqavissut aamma pisortatut atorfinni atorneqarnissaannut, kiisalu pisut pissutigalugit sipaaruteqartariaqalernermi imaluunniit soraarsitsisariaqalernermi nunaqavissut siullertut eqqorneqannginnissaannut, ataatsimoorluta suliniuteqassaagut.

Tamatumunnga qulakkeerinneqataanissarsi pingaaruteqarpoq, aammalu suliniuteqarneri nunatta aammalu inuiaat kalaallit ineriertornerisa ingerlaannarnissaannut iluaqutaassaaq. Taamaattumik ingerlatseqatigiiffiit aqutsisuisa allanngoriartornermut piareersimanissaat aammalu ingerlatseqatigiiffinnut Namminersorlutik Oqartussanit pigineqartunut eqqortunik sinaakkutissiinissaat pingaaruteqarpoq. Sinaakkutissat aningaasaqarnikkut siuariartornermut nunatta inuinullu pisariaqartitaanut tunngavissaliisussat.

Nunarput paarilluassavarput aammalu kinguaassagut qulakkeeriffigissavagut, taamaattumik piujuartitsinissap pingaaruteqarnera erseqqissarnerusinnaanngilara, aammalu qularinngilara tamanna paasisinnaagissi. Isumassarsianik periarfissanillu nutaanik ataatsimoorluta pilersitsisarnitta ingerlaannarnissa pingaaruteqarpoq, taamaalilluta siunissaq inuiaqatigiillu imminnut nammattut - nuna inuiaallu tulluusimaartut – ataatsimoorluta pilersissinnaassallutigu.

Periarfissarlu manna iluatsillu piginnittut sinnerlugit ukiorpassuarni ingerlatseqatigiiffimmi pisortaanerusimasoq aasamut suliunnaartussap ingerlatseqatigiiffiup siuariernerujussuanut tunngavileeqataalluarsimasoq qutsavigiumavarput, siunissamillu ajunnginnerpaamik kissaallugu. Siisalu aamma ukiorpassuarni siulersuisuni siulittaasuusimasoq sulilluarsimanera qutsavigalutigu, naak siulersuisuniiginnaraluarluni kisiannilu siuttuunermik ikaarsaariartitseqataanissamut suleqataanissaminut peqataasussaq Naalakkersuisut sinnerlugit qutsavigiumavarput siulersuisunngortullu sinnerisa sulilluarnissaannik kissaallugit.

Naggataatigut piginnittut sinnerlugit oqaatigissavarput, Naalakkersuisooqatigiit aamma aqumiut kilisaatinilu inuttat pillugit nunatsinneersuunissannik piumasaqaatinik nutarterinissaat pilersaarutaammat. Tamannalu Naalakkersuisut piffissami tullermi suliarissammassuk. Aammattaaq Naalakkersuisut naatsorsuutigilluinnaratsigu ingerlatseqatigiiffiup sulinermini suleqatissai qaninnerpaat tassalu aalisartut aammalu aalisartut kattuffii, taakkua qanimut kiinnerluni oqaloqatigineqartuartarnissaat pitsaasumik ingerlanneqartassasoq. Uagut pillutaangnitsoq, kisiannilu nunarput inuila pillugit maaniikkatta.

Tamatut oqaaseqarlunga ingerlatseqatigiiffiup siulersuisui, pisortai sulisulu ukiuni qaangiuttumi sulilluarsimanerannut qujalluta ukiuni aggersuni sulilluarnissaannik kissaappagut.

Qujanaq!"

Kingorna ataatsimeersuarnermi oqaluuserisassat oqaluuserineqartussanngorput.

Imm. a) Ingerlatseqatigiiffimmi aallussat pillugit nalunaarut.

Aqutsisup siulersuisuni siulittaasoq Niels Harald de Coninck-Smith oqaaseqartussatut taavaa, taannalu ima nalunaaruteqarpoq:

Nalinginnaasumik ataatsimeersuarsinnaanerput nuannaarutigeqigakku siullertut oqaatigissavara. Taamatuummi ataatsimeersuarluni pitsaanerujaannarpoq. Ajoraluartumik ullumikkut Nuummi peqataasinnaanngilanga, taamaattorli katersuulluta ileqqusumik ataatsimeersuarsinnaanngooqqinnerput nuannaarutigaara.

Ukiup siuliani suliffeqarfissuup angusai akileraannginnermi 326 mio. kr-jugamik naammagisimaarnarluinnarput. COVID-19 pissutigalugu sivisuumik mattusimareersugut pissutsit 2021-mi nalinginnaasunngooqqikkiartornerat angusat ersersippaat.

Nammeneq aningaasaatit 1,6 mia. koruuniusimasut ukiup nikinnerani 1,8 mia. koruuniummata angusat annertusipput. Suliffeqarfissuarmi nammeneq aningaasaatit eqqarsaatigalugit 2 mia. koruunit anguagut, aatsaallu taamak angusaqartigivugut. Ukiunilu kingullerni qujanartumik arlaleriarluta taamak oqarsinnaasimavugut, ukiunilu

tulliuttuni angusarissaaginnarnissatsinnut tunngavissiilluartugut neriuutigalugulu upperaara.

Aningaasat ingerlatsinermut atukkat quersuarnilu uninngatiinnakkat annikillillugillu aningaasaliisaraluarluta akiitsut naammaginartumik annikillisippagut.

Tunisassiattu tunineqarneri akiilu eqqarsaatigalugit tuniniaaneq ilorraap tungaanut aallaqqippoq, taamatuttaarlu akunnittarfiiit neriniartarfiiillu tunisassiatsinnik piumaqqlersimasut immikkut taasariaqarput. Tamanna kaaviliaitat 2020-mi 4,8 mia koruuniusimasut siorna 5,6 mia. koruuniummata annertusingaatsiarsimancerinik ersersitsivoq.

Nunani assigiinngitsuni niuerfiit, assersuutigalugu niuerfimmuit pingaarutilimmut Kinamut tuniniaaneq ingerlalluaqqilermat, aammattaaq tuniniaaviginerat qaffappoq.

Tunisassiaatitsinni pitsaalluinnartuni saattuanik raajanillu qalipalinnik tuniniaaneq angusanut immikkut ittumik tapertaalluinnartutut taasariaqarpoq. Nunatsinni saattuarniarneq tunisassiornerlu Royal Greenlandimut tunngatillugu annertuumik aallunneqanngilaq, Canadamili tunisassiornermut ukiut arlaqanngitsut matuma siorna aningaasaliinerput aningaasaqarnikkut isumatusaartumik aalajangiinerusimavoq. Ukiq tamakkiisumik isigigaanni pitsaasumik ineriantorfiuvoq. Mikael Thinghuusip saqqummiinermini tamanna nassuaateqarfigiumaarpaa. Isumaqarpunga COVID 19 sutigut tamatigut ajunngitsumik iliuuseqarfigisimagipput. Annermik nunatsinni pilersuisunut eqquinerliornera pakkersimaarsimasinnaagatsigu naammagisimaarluinnarpaa.

Kilisaatinik nutaanik sanatitsineq annertooq naammassisimalerparput. Kilisaat nutaanerpaaq ukiup naanerani Ice Trawl Greenlandimut tunniunneqarpoq, ukiullu matuma aallartinnerani iluatsittumik atuutsinneqalerpoq. Qaleralik A/S maanna kilisaammik nutaamik sanatitsileruttorpoq. Taamatuttaaq kilisaammik ikerinnarsiummik pisinikuuvugut.

Aalisarsinnaassuseq annertusisarput aalisakkallu pisarisartakkatta isumatusaartumik tunisassiarisarneri suliffeqarfiup ukiuni tulliuttuni ingerlalluarnissaanut aallarniutaapput. Aalisakkerineremi sinaakkutitut piumasaqaatit inuiaqatigiit eqqarsaatigalugit iluaqutaagamik aammattaaq pitsaasuussasut neriuutigaara.

Nunatsinni tunitsiviit 37-t ingerlataraagut. Tunitsiviit arlallit inissismaffii pissutigalugit ingerlatsineq, aserfallatsaaliuineq assartuinerlu immikkut unammillernarsinnaapput, najukkanili aalisarnissamut periarfissat naapertorlugit ingerlanneqarnerat ingerlatiinnarparput. Upernaviup Uummannallu eqqaani tunitsivinnik arlapalinnik kiisalu tunisassiorfimmi Ilulissaniittumi aammattaaq annertuumik aningaasaliisoqarpoq.

Kingullertut saattuanik tunitsivipput Sisimiuniittooq allillugulu Qeqertarsuarmi saattuanut tunitsivimmik nutaamik pilersitsinissaq piareersarparput.

Nunatsinniit nunatsinnullu pigisanik assartuinermi allannguisoqarpoq. Tamanna Royal Greenlandimut annertuumik pingaaruteqartoq erseqqissaatigissavara. Assartuinerup pitsaasumik atugassarititaasunillu unammillerfiulluuarsinnaasunik naleqquttunillu atugassaqarfiisumik aaqqissuunneqarnissaa pingaaruteqarpoq. Taamaanngippat nunatsinni suliffeqarfinnut akornutaallunilu akitsuisitsissaq, suliffeqarfiillu avammut nassiusuisartut suliffeqarfinnit nunanit allaneersunit kingullinngortinnejassapput. Assartuineremi suliaqarnermi nutaanik mittarfiorneq aamma ilaavoq, taakkunanngalu iluaqtissat suut pissarsiarisinnaanerlugit soorunami nalilersorparput.

Piujuartitsinissaq anguniartuarparput. Tamanna ulluinnarni periusitsini siullertut takuneqarsinnaavoq, taamatuttaarlu ukiumoortumik nalunaarusiatta 104-nik qupperneqartup annerpaartaa sammisamut tassungarpiaq tunngavooq. Tamanna imminermini piujuartitsinerunersoq oqaatigissanngilara, taamaakkaluartorlu ukiumoortumik nalunaarusiami sukumiisumik nassuaateqarpoq.

Nunatsinni nunami sulisussanik sulilersitsiniarnerput suli unammillernartoqarpoq. Tamanna pissutigalugu sulisut nunanit allaneersut 100-t missaanniittut tunisassiorfinni sulisoraagut, taakkulu aalisarnerup killilersugaanngitsumik ingerlasinnaaneranut ikuutaapput. Soorunami najugaqavissunik sapinngisamik sulilersitsisarpugut.

Najukkami sulisussarsiorneq ilinniakkamut atassuteqartorujussuuvoq, tamannalu ukkatariuarparput, annermiq sulisutsinnut umiartortunut tunngatillugu. Kalaallit Nunaanni Imarsiornermiq Ilinniariup inerisarneqarneranut aalajaalluta peqataavugut imarsiorfullu najugaqavissut sulilersinnissaat ilinniartinnissaallu anguniartuarparput. Arnat umiartortutut ilinniartinneqarnissaat nutaatut aamma ukkatarilerparput.

Ukiumi matumani 2022-mi pilersaarusrornermi COVID-19, nualluutip Kinami tuniluunnera ernumatitsigaluartoq eqqarsaatigisariaqanngingajavipparput. Ajoraluartumilli februaarimi Ukrainemi sorsuttoqalerpoq. Tamanna nalorninartoqartitsivoq. Ruslandimut tunisisarnerput unitsinneqarpoq, taamaakkaluartorli annertuumik sunniuteqanngilaq. Kisianni akit apparataannaallutilu tunisassiornermut aningaasartuutit, matumani aamma nukissamut aningaasartuutit, qaffarataannaapput. Massakkut taamaatsillugit 2021-mi angusat assigalugit, nalorninartut eqqaagiikkagut ilanngullugit, 2022-mi angusaqartoqarnissaa naatsorsutigaarpuit.

Piginnittut Namminersorlutik Oqartussat ukiumi qaangiuttumi tatiginninnerminnik takutitsinerannut siulersuisut sinnerlugit qujarusuppunga.

Naggasiutigalugu suliffeqarfip aqutsisuinut, sulisuinut pilersuisunullu (aalisartunut) taamatut angusaqartitsisinnaanerannut aammattaaq qujarusuppunga. Pisortaanerput Mikael Thinghuus soraalermat immikut eqqaassavara. Suliffeqarfip siulersuisuini siulittaasunera tamaat pisortaanerusimavoq. Piffissami tassani Mikaelip pisortaanerunerani angusat pitsangoriartuaaginnavissimapput, sulernerneranullu sanilliullugu suliffeqarfik allarluinnaallunilu pitsaanerusumik inissisimavoq. Taamatut angusaqarnissamut suliniuteqarsimaneranut qujassutissaqarfigeqaara, ukiullu ingerlanerini suleqatigiissimanitsinnut qutsavigaara.

Nalunaarummut tunngatillugu piginneqataasoq oqaassisaaqarnersoq aqutsisup apeqqutigaa. Naalakkersuisut nalunaarut tusaatissatut tigugaat Ineqarnermut Attaveqaasersuutinullu Naalakkersuisoq Erik Jensen nalunaaruteqarpoq. Tamatuma kingorna nalunaarut tusaatissatut tiguneqartoq aqutsisup nalunaarutigaa.

Imm. b) Ukiumoortumik nalunaarusiamik 2021-mut tunngasumik akuerisassanngorlugu saqqummiineq.

Pisortaanerup Mikael Thinghuusip ukiumoortumik nalunaarusiaq kukkunersiugaq siulersuisunit akuerineqarsimasutut atsiorneqarsimasutullu saqqummiuppa.

Ukiumoortumik nalunaarusiamen pingarnerit takussutissiat iikkamut seqersitat atorlugit erseqqissarpai.

Ukiumoortumik nalunaarusiaq pillugu saqqummiineq tamakkiisoq ukiumoortumillu nalunaarusiaq ingerlatseqatigiiffiup nittartagaaniippuit.

Ukiumoortumik nalunaarusiaq pillugu siunnersuut Naalakkersuisut akuerigaat Ineqarnermut Attaveqaasersuutinullu Naalakkersuisup Erik Jensenip nalunaarutigaa. Siunnersuut akuerineqartoq aqutsisup kingorna nalunaarutigaa.

Imm. c) Ukiumoortumik nalunaarusiaq akuerineqartoq naapertorlugu sinneqartoorutinik atuinissamut imaluunniit annaasaqaatinik matussusiinissamut aaljangiineq.

Ukiumoortumik angusat TDKK 225.756-inik sinneqartooruteqarfiusut ukiumi nalunaarusiamen allaqqasoq aqutsisup oqaatigaa siulersuisullu ukiumi angusat ima agguataarneqassasut siulersuisut siunnersuutigaat (DKK 1.000):

Iluanaarutit	:	112.878
--------------	---	---------

Naleqassutsit tamarmiusut malillugit periuseq naapertorlugu sillimmatit	:	81.007
Nammineq aningaasaatinut sillimmataasunut nuunneqartut	:	31.871
Ukiumi angusat	:	225.756

Naalakkersuisut angusanik agguataarinissamut siunnersuut akuerigtsik Ineqarnermut Attaveqaasersuutinullu Naalakkersuisoq Erik Jensenip nalunaarutigaa. Siunnersuut akuerineqartoq aqtsisup kingorna nalunaarutigaa.

Imm. d) Ajunngitsorsiassat pillugit politikkimik akuersineq.

Naalakkersuisut siulersuisut ajunngitsorsiassaat pillugit malittarisassat nutarsarlugit aalajangersarnikuuaat. Taakku " Namminersorlutik Oqartussat ingerlatseqatigiiffiutaanni siulersuisunut aningaasarsiaqartitsisarnermik Namminersorlutik Oqartussat politikkiat 2021"-mi 2020-mi decembarip 15-ian saqqummertumi nassuiardeqarpooq.

Naatsumik oqaatigalugu siulersuisut pisinnaasaqarluartut pikkorissullu attatiinnarneqarlutillu nutaat kajumilersinneqaqqullugit sulianut tunngatillugu naammaginartumik aningaasarsitinneqartarnissaq aningaasarsiaqartitsisarnermik politikkimi anguniardeqarpooq.

" Namminersorlutik Oqartussat ingerlatseqatigiiffiutaanni siulersuisunut aningaasarsiaqartitsisarnermik Namminersorlutik Oqartussat politikkiat 2021"-mi 2020-mi decembarip 15-ianersoq maannamiit Royal Greenland A/S-imi malinnejalissaq.

Pisortaqtigiiit pisinnaasat, anguniakkat angusallu eqqarsaatigalugit aalajangersimasumik aningaasarsiaqarlutik, aggorersiaqarlutik nalinginnaasumillu inuttut ajunngitsorsiaqarlutik aningaasarsitinneqartarnissaat ingerlatiinnarneqassaaq.

Aningaasarsitsisarnermut politikki tusaatissatut tiguneqartoq Ineqarnermut Attaveqaasersuutinullu Naalakkersuisup Erik Jensenip nalunaarutigaa. Aningaasarsitsisarnermut politikki tusaatissatut tiguneqartoq aqtsisup kingorna nalunaarutigaa.

Imm. e) Siulersuisunut ilaasortassanik qinersineq.

Siulersuisunut ilaasortat ataatsimeersuarnermi qinerneqartut ukioq ataaseq ilaasortaasartut aqtsisup ilisimatitsissutigaa. Siulersuisuni ilaasortat ataatsimeersuarnermi qinerneqartut tallimaasut tamarmik taamaammat ullumikkut taasissutigineqassapput, taakkulu ukuupput Niels Harald de Coninck-Smith, siulittaasoq, Maliina Abelsen, Karsten Høy, Tina Lynge-Smith aamma Regine Møller.

Niels Harald de Coninck-Smith aamma Maliina Abelsen siulersuisuni ilaasortatut qinerneqaqqissasut Maliina Abelsenilu siulersuisuni siulittaasutut toqcarneqassasoq siunnersuutigineqarsimavoq.

Ataani allassimasut siulersuisuni ilaasortatut qinikkatut siunnersuutigineqarput:

Susanne Christensen,
Jesper Højer,
Johannes Jensen aamma
Arnannguaq Holm Olsen.

Taamaalillutik Karsten Høy, Tina Lynge-Smith aamma Regine Møller siulersuisuni ilaasortaajunnaarpot.

Siunnersuutigineqartut aqutsisutut atuuffii ingerlatseqatigiiffit pillugit inatsimmi § 120, imm. 3 aamma malittarisassani § 8, imm. 9 naapertorlugit ilisimatitsissutigineqartussaapput, tamatumunngalu atatillugu CV-t ingerlatseqatigiiffiup nittartagaanut ikkunneqartut Erhvervsstyrelsenillu paasissutissaasiviani www.virk.dk-mi takussutissat innersuutigineqarput

Naalakkersuisut siulersuisuni ilaasortassat siulittaasussarlu taaneqartut qinigaasinnaasut Ineqarnermut Attaveqaasersuutinullu Naalakkersuisup Erik Jensenip nalunaarutigaa. Pineqartut tamarmik qinigaasut aqutsisup kingorna nalunaarutigaa.

Sulisut sinnerlugit siulersuisunut ilaasortat ukiuni sisamani qinigaaffiat qaangiussimammat 2022-mi majjip qulingani sulisut sinnerlugit siulersuisunut ilaasortassanik qinersisoqarsimasoq aqutsisup aammattaaq ilisimatitsissutigaa. Ukulu qinigaapput:

1. Niels Ole Møller,
2. Sara Biilmann Egede,
3. Johan Berthelsen.

Sinniisussatut qinigaapput:

Siullertut sinniisoq, Claus E. Nielsen,
Tullertut sinniisoq, Aningaaq Larsen,
Pingajuattut sinniisoq, Møller Lyberth.

Sulisut sinnerlugit siulersuisunut ilaasortat qinerneqartut qinigaaffiat 2026-mi ataatsimeersuartoqarnerani qaangiutissaaq.

Siulatorsut siulittaasut tulleqarlutik malittarisassat naapertorlugit ivertinneqarput.

Imm. f) Siulatorsuni siulittaasup ilaasortallu akissarsiassaannik aalajangersaaneq.

Akissarsisitsarnermut politikki atuuttoq naapertorlugu ataatsimeersuartoqqinnissaata tungaanut akissarsisissutigineqartussat ataani allassimasut piginnittumiit siunnersuutigineqarsimasut aqutsisup ilisimatitsissutigaa:

Siulatorsut siulittaasuat	:	kr. 521.000,00
Siulatorsuni siulittaasup tullia	:	kr. 313.000,00
kukkunersiuinermullu ataatsimiititaliami siulittaasoq	:	kr. 209.000,00

Akissarsissutaasussat pillugit siunnersuut saqqummiunneqartoq Naalakkersuisunit akuerineqartoq Ineqarnermut Attaveqaasersuutinullu Naalakkersuisup Erik Jensenip nalunaarutigaa. Siunnersuut akuerineqartoq aqutsisup kingorna nalunaarutigaa.

Imm. g) Kukkunersiusunik qinersineq.

EY GRØNLAND PIGINNEQATIGIILLUNI KUKKUNERSIUINERMUT INGERLATSEQATIGIIFFIK AKUERISAASOQ ingerlatseqatigiiffiup kukkunersiusuatut qinerneqaqqissasoq siunnersuutigineqarsimavoq.

Naalakkersuisut kukkuneriusup qinerneqaqqinnissaa akuerisinnaagaat Ineqarnermut Attaveqaasersuutinullu Naalakkersuisup Erik Jensenip nalunaarutigaa. Siunnersuut akuerineqartoq aqutsisup kingorna nalunaarutigaa.

Oqaluuserisassat tamakkerneqartut aqutsisup nalunaarutigeriarlugu oqaaseqarusuttoqarnersoq aperivoq. Maliina Abelsenip Niels Harald de Coninck-Smith siulersuisunut ilaasortaaginnarluni Maliinap siulersuisuni siulittaasunngornissaa tapersersimammagu qutsavigungavaa. Maliinattaaq Mikael Thinghuus pisortaanertut angusimasaanut qutsavigaa.

Tamatuma kingorna ataatsimeersuarneq naammassisutut nalunaarutigineqarpooq.

Aqutsisutut:

Inatsisileritooq Peter Schriver